

اسم الله المؤمن | الجزء الثامن | الحلقة (80) | #إنه_الله | د .

حازم شومان

حازم شومان

انه رب العباد وخير زاد. بسمه الكافي تمسك. انا رأيت انا رأيت الرزق لو تحس بالاختناق كل هم سر حماتي بك كله محزون كسير يحمل اما الكبير ليس غير الله يرجى. انه نعم النصر - 00:00:00

السلام عليكم ورحمة الله وبركاته. اخواني واحبابي في الله وصلنا الحلقة الاخيرة في رحلتنا مع اسم الله المؤمن ولسه مع التوصيات العملية وقد ايه الاسم ده ممكن يغير حياتنا. انا عايز يا جماعة بازن الله قبل ما اقول لكم باقي التوصيات وندخل بقى على اسم ثاني من اسماء - 00:01:00

الله بازن الله سبحانه وتعالى انا عايز نقف مع اهم معنى انا عايز اوصله النهاردة ويتغير في حياتنا كلها. المؤمن يعني مصدر الامان. آآ عايزين يا جماعة نتخلق بالخلق ده. مين فينا مصدر امان للي حواليه؟ انا عايز اكد عليه ثاني. معنى الشهامة. انت سند للي حواليك. انت انسان شهم - 00:01:30

الشهامة دي من صفات الانبياء يا اخواني. ربنا قبل ما يذكر اصطفاؤه لسيدنا موسى في سورة القصص. ذكر موقف موسى مع الفتاتين ولما ورد ما امن سيدنا موسى جعان مطارد من مصر والدنيا كلها ضده. راح لقي ناس اهل مدين بقى - 00:01:50

على البئر بتاع مدين فبالنسبة لهم هم دول الناس اللي ممكن يساعده ولما ورد ماء مدين. وجد عليه امة من الناس يسقون هم دول بقى التارجت بتاعي. ووجد من امرأتين تذودان. انتم متخيلين يا جماعة الشهامة بتاعة سيدنا موسى لقي اتنين ستات غلابة مش عارفين يسقوا الغنم بتاعتهم. قال ما خطبكما؟ يا دي - 00:02:10

مصيبة ازاى الرجالة الاندال دول سايبينكم ما يقدموكوش ان انتم اللي تسقم. يا جماعة الموقف ده حينما تتعرض المصلحة مع المبادئ. سيدنا موسى اختار المبادئ مع الفتاتين مش المصلحة. مع الرجالة الاندال دول. الموقف ده سبب - 00:02:30

انه اتجوز. الموقف ده من اسباب ان ربنا اصطفاه للنبوّة. الموقف ده سبب ان ربنا امنه الشهامة. الله سبحانه وتعالى الشهامة من الايمان. الشهامة دي من اسار التخلق بسم الله المؤمن سيدنا محمد عليه الصلاة والسلام من اسباب اصطفاء ربنا له شهامة النبي عليه الصلاة والسلام. شفتم لما - 00:02:47

سيدنا جبريل اول مرة في غار حراء وجري على السيدة خديجة يقول زملوني نفروني. السيدة خديجة قالت له كلا والله لا يخزيك الله ابدًا. مستحيل ربنا يتخلى عنك. مستحيل ربنا يسبيك. مستحيل دي تكون حاجة وحشة. دي بالتأكيد حاجة جميلة جدا جدا ربنا مرتبتها لك ليه؟ لانك انسان شهم - 00:03:07

يلا والله لا يخزيك الله ابدًا. انك لتصل الرحم وتطعم المسكين وتكسب المعدوم وتعين على نوائب الحق. انت انسان شهم. انت انسان شهم مع الشاب اللي مش لاقى وظيفة. انت انسان شهم مع اللي عايز يتجوز. انت انسان شهم مع قومك - 00:03:27

انت انسان شهم مع الفقير ومع الضعيف. انت انسان شهم مع حتى الضيف وتقر الضيف. تقر يعني بتجمع بتجيب كل اللي عندك وتدي له ضيوفك انسان شهم الشهم ده ربنا لا يتخلى عنه. انت عشان اقول لك لا يخزيك الله ابدًا. عملت ايه؟ ايه مصادر الشهامة في حياتك؟ انت مصدر امان لمين؟ مين اللي قعد - 00:03:47

دلوقتي مطمئن وعارف انه مستحيل مستحيل واحد من اخواني آآ كان بيقول لي مرة كلمة بيقول لي انا باتكلم مع زوجتي فبنقول

لبعض ان آآ احنا اصحاب فضل ومنة الله سبحانه وتعالى ان فلان صاحبنا لا يمكن هيسيبي في موقف لو عرف ان انا في زنة

الشهامة يا جماعة من الايمان. النبي عليه - 00:04:07

والسلام ما نساخ ابدأ شهامة المطعم ابن عدي معه. لما النبي عليه الصلاة والسلام اتطرد من مكة وراح الطائف اتطرد من الطائف جه

يرجع مكة اهل مكة رفضوا دخوله. فضل عليه - 00:04:27

عليه الصلاة والسلام في غار حراء ماء ما فيش دخول. ما حدش مش راضيين يدخلوه. جه المطعم ابن عدي وقام لابس لبس الحرب وجابوا اولاده كلهم ولبسهم الحرب وراح جاب النبي عليه الصلاة والسلام دخله مكة وهم حواليه بالسيوف رغم انه كان راجل كافر.

المطعم ابن عدي مرت السنين وغزوة بدر - 00:04:37

وقصرى بدر الكفار وقعوا في ايد النبي عليه الصلاة والسلام. النبي عليه الصلاة والسلام وهم قاعدين مكبلين قال لو كان المطعم ابن عدي حيا وكلمني في هؤلاء لا عطيتهم له. يعني انت متخيل كده المطعم ده واحد ده مجرم يا جماعة ده كافر ده واحد من انصار

الكفر. ده واحد من - 00:04:57

رموز الكفر في الارض ان النبي عليه الصلاة والسلام بيقول انا مش هنسى شهامته. انا مش هنسى المرحلة بتاعته معي. انا مش هنسى الموقف بتاعه معي في ابي طالب لما صمم انه يقطع الصحيفة. مش هنسى الشهامة والمرحلة بتاعته معي. لما اتطردت من مكة وهو

اللي دخل جاء لي برة مكة ودخلني في - 00:05:17

السلح بتاعه هو وولاده. مش هنسى شهامته ومرجلته. لما بعد بيعة العقبة الكبرى. لما المشركين قبضوا على سعد ابن عباد وجرجروه عشان يعزبوه لما اكتشفوا ان هو بايع النبي عليه الصلاة والسلام واللي خلصه من ايدهم. المطعم ابن عدي. النبي عليه

الصلاة والسلام بيقول انا مش هنسى شهامة الراجل ده. ولا هنسى المجدعة - 00:05:37

ولا المرحلة بتاعته. لو كان حي وقال لي اسرى بدري كلهم. اعتقهم يا محمد كنت اعتقتهم. النبي عليه الصلاة والسلام بيرفع قيمة الشهامة. بيرفع قيمة المرحلة آآ ام سلمة لما جت تهاجر مع زوجها ابو سلمة فخرج قومها وخدوها غصب عنها منه وفضلت تعيط سنة

وبعد كده سابوها - 00:05:57

بعد سنة بقى سيبوها تاجر لزوجها في المدينة المنورة فهي طلعت تهاجر لوحدها خمسمية كيلو متر في الصحرا لوحدها. انت عارف يعني ايه امرأة في اراء العربية وسط البلطجة ووسط الكفر المشركين دول اسهل حاجة عندهم القتل والزنا. يعني المشركين دول

اسهل حاجتين يعملوهم في الحياة. فدي - 00:06:17

هتعدى ازاى دي ؟ عثمان ابن طلحة وكان راجل كافر. ده اللي ده اللي عيلته معها مفتاح الكعبة. فشافها فقال لها الى اين يا ام سلمة ؟ قالت اهاجر الى زوجي فيه في المدينة فقال لها والله ما لك مطرك. انا انت مسافرة لوحك زي واحدة ستة هتسافر خمسمية كيلو

ازاي ؟ فضل معه قال لها - 00:06:37

فضل يركبها على بعير وفضل راكب قدامها خمسميت كيلو متر يا جماعة. وبعد كده على مشارف المدينة قال لها هنا زوجك. وسابها اطمئن انها دخلت المدينة ورجع تاني. ام سلمة وقفت مزهولة قبل ما تدخل المدينة بتبص هو هو ده بجد هو يا جماعة الانسان الشهم

ده عملة نادرة في الحياة - 00:06:57

الانسان الشهم الناس كلها بتبقى واقفة مزهور. مش مصدقة هو فيه بجد انسان نضيف اوي كده! هو فيه معدن نضيف اوي اوي كده! هو فيه ناس عندها مرحلة ده على وجه الله بالمنزر ده. هو فيه ناس عندها خلق الاغاثة بالمنظر ده! ام سلمة بصت له وهو مديها

ضهره وراجع مكة تاني قالت له والله لا - 00:07:17

وردنا الله لك ولو بعد حين. والله ربنا ما هينسى لك المرحلة دي. ولا هينسى لك الشهامة دي. عثمان ابن طلحة اسلم اسلم بعد صلح

الحديبية والرسول عليه الصلاة والسلام ادى له مفتاح الكعبة. ولحد النهاردة - 00:07:37

احفاد عثمان ابن طلحة الحفيد رقم حوالي مية وخمسة من آآ من احفاد عثمان ابن طلحة هو اللي معه مفتاح الكعبة لحد النهاردة النبي عليه الصلاة والسلام قال ادى العصيان ابن طلحة مفتاح الكعبة وقال خذوها خالدة تالدة لا ينزعها عنكم الا ظالم. الشهامة يا

جماعة الشهامة - 00:07:53

حاجة ربنا بيشكرها. الانسان الشهامي ربنا ما بيضيعوش. ربنا ما بيكسروش. ربنا ما بينسالوش الشهامة بتاعته. ربنا ما بينسلوش وقفته مع الناس واغاسته ناس وربنا كأن الله يقول له لست اكرم مني. هو انت هتغيث العباد وانا مش اغيثك! هو انت هتكرم العباد وانا مش هكرمك! مين ده بقى - 00:08:13

مين اللي يتخلق باخلاق او بصفات اسم الله المؤمن ويبقى مصدر للامان في حياة الناس. الرسول عليه الصلاة والسلام في صحيح البخاري يقول كان رجل يدين الناس. يعني واحد كان ما عندوش مانع انه يسلف للناس فلوس. فيه ناس خيرة بتعمل كده فده شهامة. شهامة جبارة. ان هو اصلا مسلا يعني دلوقتي فيه ناس بتعمل - 00:08:33

يقول لك فيه نص مليون جنيه او تلتमित الف جنيه انا حاططهم مشروع تسليف. اللي يستلف يكتب ورقة ويرجعهم بعد ست شهور يستلف عشرة يستلف عشرين. وفاديين نوع من انواع - 00:08:53

لما بيفكوا زنقة طبعاً رهيبه. عند ناس كتير جدا. كان رجل يدين الناس. وكان يقول لعماله اذا جاءكم رجل معسر واحد مش مش قادر فتجاوزوا عنه. لعل الله ان يتجاوز عنا. يمكن يوم القيامة ربنا ما يسألنيش عن اي زنب عملته في حياتي. يقول الرسول عليه الصلاة - 00:09:03

صحيح البخاري فتجاوز الله عنه. يعني ربنا دخله الجنة بلا حساب ولا عذاب. ربنا ما سألوش في قبر ولا يوم قيامة عن اي حاجة خالص ربنا الشهم ربنا بيتعامل مع اهل الشهامة ومصادر الامان في حياة الناس ازاى يا بختك! يا حاكم يا اللي انت مصدر امان في حياة شعبك - 00:09:23

مش مصدر خوف ورعب. اللي الرسول عليه الصلاة والسلام له حديس جميل اوي. بيبين لك مرحلة النبي عليه الصلاة والسلام. شهامة النبي عليه الصلاة والسلام. يقول من مات وترك مالا فلورثته. اللي هيسيب فلوس ورسته ياخدوها. ومن مات وترك دينا او ضياعا فعليه - 00:09:43

بيقول ان اي واحد مسلم يموت مديون انا هاسد له دينه ما حدش انا اللي هاسد له دينه. خلاص تعالوا لي وانا الكلام ده بعد ما ربنا فتح على النبي عليه الصلاة والسلام باب الغنائم في نهاية حياته في ناس يا جماعة عندها شهامة. بس العين بصيرة والايدي قصيرة - 00:10:03

النبي عليه الصلاة والسلام لما قدر اه كان في الاول لما يبقى واحد مديون ما يصليش عليه. ما دام ما ما مش عارف يسد الدين. اما ربنا فتح عليه ماديا عليه - 00:10:17

الصلاة والسلام قال لا المديون تيجوا لي انا اللي هاسد دينه. طب لو ترك ضياع ضيعني ساب عيال مش سايب لهم اي سليم مش سايب لهم جنيه. ما عملهمش اي حاجة لتأمين مستقبلهم. النبي - 00:10:27

اسأل علي. عياله والانفاق على عياله بعد موته عليه. ايه الشهامة دي! دي اخلاق الانبياء يا جماعة. دي اخلاق اولي العزم من الرسل. التوصية دي انا حبيت بس ان انا - 00:10:37

كده رغم ان انا اشرت لها لبعضها كده يعني آآ اشارة سريعة المرة اللي فاتت. آآ انت سند لمين ؟ انت مصدر امان في الحياة لمين ؟ يا ريت الشهامة والمجدعة - 00:10:47

ارجع ثاني بازعل لما نزل جولة على بعض الناس بتوع المخدرات في في قهوة واحد بيقول مرة انا لما تاجر مخدرات انا لما حد فينا بيتزقن ماديا بيروح يسلم نفسه انت انت مجنون يا جدع انت انت بتقول ايه ؟ قال لانه عارف ان اصحابه في المخدرات - 00:10:57

هيصرفوا على بيته اكر من لو كان هو موجود. يعني الشهامة دي بين طب اهل التدين بقى المفروض هم الاولى بالشهامة اولي انك تبقى شهم مع دفعتك وانت اللي بتعملهم المذكرات. انك تبقي شهمة مع صاحباتك. الخلق ده من آآ التوجيهات الحياتية لهذا الاسم العظيم. من - 00:11:14

التوجيهات الحياتية لاسم الله المؤمن. خليك انسان متوازن. خليك انسان عملي. وواقعي وناضج بتأمن نفسك خليك يا جماعة يعني

احيانا آآ فيه ناس تخيلان اسم الله المؤمن بقى ان هو يبقى متضايق لا لا لا لا امن نفسك ضد - [00:11:34](#)

المرض امن نفسك ضد مضاعفات الامراض. آآ رح الجيم عشان انت تحافظ على صحتك. وتعمل وقاية من الامراض الخطيرة وكل حاجة بايد ربنا. انت مش مغسل وضامن جنة نسأل الله العفو والعافية. ولكن احنا بنعمل كل ده واحنا فاهمين في النهاية ان ربنا هو اللي بيأمننا سبحانه وتعالى. عشان كده - [00:11:55](#)

سيدنا موسى عليه الصلاة والسلام كان آآ يعني كل مكان يجتهد في انفاذ مراد الله اكتر. آآ يعني كل ما كان يجتهد في الدعوة الى الله اكتر. كل ما كان ربنا يتجلى عليه - [00:12:15](#)

المؤمن ففي البداية سيدنا موسى ولى مدبرا ولم يعقب خاف اول ما شاف النار واول ما شاف العصاية بقت تعبان كان خايف جدا اول ما شاف التعبان بعد كده ربنا سبحانه وتعالى ملأ قلبه بالامان وبشيء من الامان فوصل لدرجة ان لما ربنا قال له اذهب الى فرعون قال رباني اخاف - [00:12:28](#)

يعني ربنا لما ارسله لفرعون فبقى الخوف مجرد كلام على لسانه انما آآ ما عادش بقى ولى مدبرا ولم يعقب. فلما راح لفرعون ربنا تجلى عليه باسمه المؤمن اكتر وملى قلبه بالامان اكتر فلما شاف سبعين - [00:12:48](#)

الف ساحر اه بيرموا العصيان بتاعتهم وبتتحول الى ثعابين ويبسحروا اعين الناس ويسترهبوه. وجاؤوا بسحر عظيم اوجى سفينة خيفة. يعني الخوف قل لدرجة انه بقى مجرد خواطر نفسية. ولكن سيدنا موسى ثبت وواجه السحرة. فربنا تجلى عليه باسمه -

[00:13:04](#)

مؤمن اكتر لدرجة انه لما وقف قدامه البحر ووراه فرعون قال كلا ان معي ربي اه كل ما هتمشي في طريق العبادة وطريق ذكر الله وطريق التفكير في خلق الله. اكتر كل ما ربنا يتجلى عليك باسمه المؤمن. يعني كلمة الرسول عليه الصلاة - [00:13:24](#)

يا جماعة حبيب الله محمد عليه الصلاة والسلام. اللهم بك اصول وبك اجول. اللهم انت عضدي ونصيري. كلمة اسكت ابا بكر ما ظنك باثنين الله ثالثهما. لما النبي كان في الغار - [00:13:43](#)

يا جماعة ما فيش والله ولا كل ادوية العلاج النفسي ولا كل المهدئات اللي في الدنيا. تقدر تخلي بني ادم يبقى في غار متحاط من سيوف هتدبحه ويقول اسكت ابو بكر ما ظنك باثنين الله ثالثهما! دي مش ثمرة مجاهدة. ده عطاء من الله المؤمن. يعني كلمة النبي عليه الصلاة والسلام عند موته وهو بيموت. وملك - [00:13:57](#)

الموت بينزع روحه ويقول بل الرفيق الاعلى. الرفيق اللي هو الله ربنا اللي رفق بي. انا اخترته ما اخترتش الدنيا. الاعلى انا اخترت اعلى الله ما اخترتش الادنى اللي هو المخلوق. انا عايز اوصل لفكرة خطيرة. يعني بالتأكيد فيه كتير منكم بدأ يفهمني فيها. ان

الصالحين يحطوا راسهم على المخدة - [00:14:17](#)

يناموا على طول ده مش ثمرة مجاهدة يا جماعة. ده عطاء من عطاءات اسم الله المؤمن. هو ربنا. هو ربنا. قل هو الله. اللي ربنا القرآن قل هو الله احد هو الله هو ربنا اللي قال كده اولك لهم الامن وهم مهتدون. من اهم التوصيات والتوجيهات - [00:14:37](#)

عايز يعيش في امان عظيم التفكير في خلق الله ما فيش عبادة في الحياة هتחסسك بالامان قد التفكير في خلق الله. انا باقول لكم يعني فضل منة الله. فضل منة الله. العبادة دي - [00:14:57](#)

ربنا سبحانه وتعالى يعني يعني ربطني بها من وانا في تانية كلية طب يعني من قد ايه يا جماعة؟ انا متهيأ لي من حوالي آآ سنين كتير انا مش فاكر قد ايه يعني بس - [00:15:11](#)

اعتقد من حوالي آآ يعني خمسة وعشرين اكتر من خمسة وعشرين سنة. عبادة التفكير في خلق الله دي جنة الله في الارض يا اخوانا. عبادة التفكير في الكون وفي السما - [00:15:21](#)

وفي المجرات وفي الفلك وفي المخلوقات وتجيب فيديوهات بقى من على اليوتيوب لاعجاز ربنا في جسم الانسان وفي القشرة الارضية وتجيب كتب علمية واجنبية مترجمة او كتب علماء عن الغلاف الجوي عبادة التفكير في مشاهد العظمة والابداع. لله سبحانه وتعالى في السماوات والارض. دي اعظم عبادة هتوصلك للحساس بالامان - [00:15:31](#)

العظيم في الحياة. انا ما انشأش آآ اكثر ايام عشت فيها امان في حياتي كلها. والله يا اخواني انا باقول لكم الكلام ده ويعلم ربي انا صادق اكثر ايام عشت فيها احساس ان انا مع اسم الله المؤمن انا في امان عجيب. اليوم ده سبحانه الله العظيم انا كنت في عمرة وكنت قاعد في اوضة - [00:15:54](#)

فندق وكنت عامل لنفسى ورد تفكر في خلق الله. فاخترت مخلوق اتفكر فيه فاخترت المايكو كوندريا. المايكو كوندريا اللي هي بتولد الطاقة جزء من الخلية البشرية اللي هي بتولد الايه تي بي آآ اللي هو بتاع الطاقة في جسم الانسان مصدر الطاقة دي يعني من غيرها هي - [00:16:14](#)

لما بتقل الانسان بيحيي له شيخوخة. هي سبب ان الناس عندها طاقة وبتتحرك الكلام ده بقى نقوله ان شاء الله في اسم الله المقيت. الطاقة بقى فسبحان الله والله العزيز فقعدت اجيب مقالات اجنبية عن خلية الانسان والميتوكوندريا اجيب مقالات طبية وقعدت اقرا بقى في موقع الاعجاز العلمي في - [00:16:34](#)

لانهم بيتكلموا في خلق الله كتير جدا. وقعدت اجيب تركيب المايك وكندريا وادور من على جوجل وقعدت ادخل بقى على الويكيبيديا واشوف المايكوندريا او تفاصيلها وسبحان الله انا دارسها في الكلية الف مرة ولكن انا المرة دي انا بدرسها بدقة وقاعد اسبح ربنا وانا قاعد اقرأ كل تفصيلة منها والله يا - [00:16:54](#)

اخواني انا حسيت بعدها بامان في صدري واحساس عجيب. فضل فترة جواي انا كنت ماشي ما كنتش متخيل ان ممكن عبادة التفكر في الخلق تجيب لي انسان السلام النفسي والهدوء الداخلي والسكينة والاطمئنان بالمنزله - [00:17:14](#)
عشان كده ساعتها سبحان الله يعني آآ اعظم كلمة امن في القرآن. الكلمة اللي خرجت على لسان سيدنا ابراهيم وهو قدام قومه بيقول لهم كيف اخاف؟ سورة الالعب اخاف منكم ازاى؟ انتم مجانين! هو المفروض يا جماعة اي حد يبص لسيدنا ابراهيم وهو غلام لوحده كده واقف في وش بلد كاملة - [00:17:34](#)

بيقول وكيف لا اخاف؟ انما مش يقول وكيف اخاف؟ هو بيقول لهم وكيف اخاف؟ الكلمة دي خرجت منه بعد اطول جلسة تفكر في الكون في القرآن كله رأى الشمس بازغا رأى القمر رأى كوكبا. اربعة وعشرين ساعة لا نام ولا كل ولا ارتاح في سورة الانعام. قعد يتفكر - [00:17:54](#)

السموات وكذلك نري ابراهيم ملكوت السماوات والارض وليكون من الموقنين لما سيدنا ابراهيم عليه الصلاة والسلام تفكر في خلق الشمس والقمر والكوكب بعدها على طول آآ قال قومه وكيف اخاف وقال لهم كلمة مزهلة تانية في اخر الصفحة. آآ فاي الفريقين احق بالاب - [00:18:14](#)

مشت مزهل غلام صغير واقف قدام بلد كاملة. عايزين يفتكوا به. والمفروض ان ما فيش وجه مقارنة ما بين فارق القوة. بينه وبينهم. وبيقول لهم بقى عايز اعرف بقى ايه اي فريق انا ولا انتم الاحق انه يبقى امن يعني انا اعتقد ان الناس ساعتها بصت حوالها انت انت بتقول ايه؟ هو فين الفريق ده؟ ده انت - [00:18:34](#)

واحد فين الفريقين دول؟ سيدنا ابراهيم بيقول لهم لا ده انا ملايكة السماوات كلهم معي. انا رب العرش العظيم معي. التوجيهات الحياتية آآ المهم قوي لاسم الله المؤمن. لما تخاف من حاجة اتحرك عكسها. عشان كده يا جماعة فيه كلمة اعجازية في القرآن في اصحاب الكهف في سورة الكهف ربنا سبحانه وتعالى - [00:18:54](#)

بيقول عن اصحاب الكهف وربطنا على قلوبهم. يعني ما لقينا قلوبهم بالامان. ان قاموا قاموا يعني ايه قاموا يشتغلوا في الدعوة آآ الاية دي فيها تأييد رباني مهول يا جماعة. ان ربنا ربط على قلوبهم وآآ وامنهم من الخوف من قومهم. لما قاموا اشتغلوا في الدعوة آآ - [00:19:15](#)

اتحركوا في الدعوة بس فيه معنى تاني. فيه معنى تاني في العلاج النفسي ومدارس العلاج النفسي عظيم اوي. اللي هو المعنى اللي انا بقوله لكم الوقتي ده. وهو النوم لما اتحركوا عكس خوفهم - [00:19:34](#)
هم خايفين من بطش قومهم من زلم قومهم. فقاموا واتحركوا في الدعوة. اتحركوا عكس الخوف. نفسيتهم اتملت بالامان الله سبحانه

وتعالى. عشان كده علماء العلاج النفسي دايمًا بيقلولوا ان اعظم علاج للفوبيا الفوبيا دي خمسميت نوع. يعني الفوبيا دي مالية المجتمع.

00:19:44 آآ اعظم علاج للفوبيا انك -

اتحرك عكس خوفك. آآ من التوجيهات الحياتية لاسم الله المؤمن. ان اسم الله المؤمن بيقول لك اطمئن بالله. اطمئن في اخرك باله
أو من في دنيتك بالله سبحانه وتعالى. الله سبحانه وتعالى يقول وبشر الذين امنوا شوفوا الكلمة الجميلة في اول سورة يونس وبشر

00:20:04 الذين امنوا ان لهم -

قدم صدق عند ربهم. يعني اطمنوا يا مؤمنين. اوعوا تشكوا في وعد الله الصادق بعد الموت. اوعوا تشكوا في اللي ربنا لكم من النعيم
بعد الموت. جزاء اللي انتم قدمتموه من الايمان والعمل الصالح. وبشر الذين امنوا ان لهم ايه؟ قدم صدق - 00:20:24

يعني كل اللي انت قدمته هتلاقيه عند ربنا وعد صدق من الله. سبحانه وتعالى كل حاجة عملتها عشان ربنا محسوبة. كمان اسم الله
المؤمن بيقول لك اطمئن في الدنيا بس في الآخرة اطمئن بالله في الدنيا. حط في بطنك شادر بطيخ. مش بس في الآخرة. عشان كده

لما ربنا سبحانه وتعالى قال على الحرم المكى ومن دخله - 00:20:44

كان امنا. بعض المفسرين قالوا امنا من النار. يعني اللي هيزور اللي هيروح للكعبة ربنا هيأمنهم للنار. بعض المفسرين قالوا امنا من
مصائب الدنيا يعني لما تبقى مكروب او مأزوم اجري على الحرم. لو ربنا مديك ساعة طبعًا انك تقدر يعني لما يبقى عندك مصيبة او

مشكلة اجري على الحرم. ليه يا ناس كثير من - 00:21:04

اخواني كان عندهم مصايب وامراض خطيرة وجيروا على الحرم وخرجوا وربنا شافهم. اجري على الله المؤمن عشان كده ربنا
سبحانه وتعالى بيقول آآ في القرآن ليلة غزوة بدر يا جماعة والصحابة خايفين جدا ومرعوبين. لان هم يحاربوا مكة بقى ومكة دي

فاتيكان العرب والعرب كلهم بالتأكيد جاينين وراها - 00:21:28

بيقول لهم سبحانه وتعالى بلى ان تصبروا وتتقوا ويأتوكم من فورهم هذا يمددكم ربكم بخمسة الاف من الملائكة مسومين يعني ايه
ويأتوكم من فورهم هذا. بعض المفسرين قالوا ان المشركين تعاملوا فورًا مع خروج النبي آآ على - 00:21:48

قافلة ابو سفيان زي ما امريكا في اتناشر ساعة كده آآ راحت تغيب اليهود في الايام اللي فاتت. فطلعوا فورًا طلعوا جيش كبير جدا
عشان يحارب المسلمين فربنا بيقول للصحابة ان زي ما المشركين طالعين يحاربوكم على الفور ربنا هينزل لكم جيش من الملائكة على

الفور. يعني ربنا هيغيثكم - 00:22:08

فورية في ربنا مش هيسيبكم ما تخافوش. ما تتخضوش. لما تشوفوا الجيوش الابتلاءات جاية هاجمة عليكم. لما تشوفي جيش من
الابتلاءات جاية عليك ايه وتخافي ويأتوكم من فوره ماذا؟ ربنا هيغيثك اغاسة فورية عشان كده شف قول الله سبحانه وتعالى -

00:22:28

وهو بيوصف قوم ابراهيم لما عرفوا ان سيدنا ابراهيم حطم الاصنام ورايحين بقى آآ بيحجروا عليه وبيرتجفوا من الغضب وعازين
ينسفوه وعازين يحطمه شف ربنا بيوصفهم بيقول ايه فاقبلوا اليه يزفون. يزفون يعني رايحين بيرتعشوا من الغضب. عارفين يعني

ايه - 00:22:47

تليفون يا جماعة مشهد مرعب لما رووا اصنامهم اتحطمت. رايحين بيرتكفوا من الغضب. بيرتعشوا من الحنق الرهيب. ربنا بيصور
سيدنا ابراهيم بعدها وهو في قمة الامان وبيقول لهم اتعبدون؟ قال اتعبدون ما نتحتون؟ والله خلقكم وما تعملون. ايه اللي انتم

بتعملوه ده! ايه اللي سيدنا ابراهيم - 00:23:07

يعني عارفين يعني الم الهجوم مضاد عليهم يعني بعد اللي ربنا عمله عشانكم. هو اللي هجم عليهم بدل ما هم يعني ايه هم
اللي يهجموا على سيدنا ابراهيم. اخر حاجة بقى في اسم الله المؤمن. اخر حاجة عازين نتعلم دعاء واحد. ندعي به - 00:23:27

المؤمن عشان ناخذ عطاء الامن من الله المؤمن آآ وهو دعاء النبي عليه الصلاة والسلام. اللي هنختم به التمان حلقات اللي احنا اتكلمنا
فيهم في اسم الله المؤمن اللهم استر عوراتي ها وامن روعاتي. الله! دعاء - 00:23:48

ناس كثير مش واخدة بالها منه ان ان الرسول عليه الصلاة والسلام امن روعاتي يا رب انا عايز انا عايز من جوة ما ما ابقاش مرتاح ما

ابقاش مفزوع ما ييقاش عندي قلق داخلي يا رب بث الايمان في نفسيتنا. يا رب املأ قلوبنا بالامن والامان. يا رب املأ نفسيتنا -

00:24:08

بالامان يا رب يا رب. اللهم استر عوراتنا وامن روعاتنا. اللهم استر عوراتنا وامن روعاتنا. اللهم امن روعاتنا اللهم امن روعاتنا. اللهم امنا
مما نخاف. اللهم املأ صدورنا بالامن والامان. اللهم اجعل نفوسنا نفوسا مطمئنة - 00:24:28

اللهم ارزقنا النفس المطمئنة. اللهم متعنا بالنظر الى وجهك الكريم. ربنا تقبل منا انك انت السميع العليم وتب علينا انك انت التواب
الرحيم. سبحانك اللهم وبحمدك اشهد ان لا اله الا انت. استغفرک وأتوب اليك. انه رب العباد حبه - 00:24:48
وهو خير زاد باسمه الكافي تمسك انا رأيت الدر انه رب العباد ان رأيت الرزق ضار لو تحس بالاختناق كل هم حماتي رب العباد باسمه
الكافي تمسك ان رأيت انه رب العباد - 00:25:14